

命之先啓紅色之匣。繼啟青色者。繼啓白色者。蘇齊一一如命。且亦不稍躊躇。見客亦絕不作小兒女羞澀態。渠有立方體木塊一。圓形者、方而平者、三角形者、各一。茄南博士命以何者授客。蘇齊卽爲之。是蘇齊之目。不惟能辨色。亦能辨形也。蘇齊好嬉戲。大學左近之小兒女。恆有入其室而與戲者。小兒女樂得猩猩爲伴侶。而蘇齊得小兒女。亦喜不自勝。小兒女教以種種遊戲。蘇齊習之。殊不甚需時。蘇齊尤喜捉迷藏。且亦守遊戲之規則。奔擲跳跟。與小兒女絕不殊異。然有一



猩猩辨色

事焉。蘇齊頗以爲怪。蘇齊每見小兒女不能緣柱而上。而已則能之。已則不惟能是。且登後能一釋手卽下。是以與小兒女嬉時。每至柱下。卽欲以力牽之使登。小兒女不能。渠卽緣木至柱端。復沿柱而下。如是者三五次。乃示意小兒女令效之。不效。則更挽之。蘇齊意中。必以小兒女爲笨拙。不能如渠也。

西藏宗教源流考 續第四號

張其勤

19973
第十一輩。阿旺改桑丹貝卓密凱珠嘉穆錯。於道光十八年九月初一日寅時在噶達地方轉世。二十一年五月二十五日奏明在金奔巴瓶內掣定。由班禪披髮授戒。二十二年四月十六日迎至布達拉坐牀。賞達賴之父策旺頓柱公爵。二十五年。駐藏大臣琦

善。參革掌辦商上事務諾們罕阿旺札木巴勒楚勒齊木。奉旨剝黃發往黑龍江安置。所有財產。查抄變價。培修藏廟各廟宇。琦善隨議改章程二十八條。又奏罷稽查商上出入及訓練番兵各成例。二十六年。由班禪傳授小戒。二十八年。賞公簡策

19974 旺頓柱寶石頂戴雙眼花翎。咸豐二年。達賴親往布資綳色拉噶勒丹及南海瓊科爾結各寺院。熬茶講經。詔幫辦大臣額勒亨額妥為照料。尋額勒亨額因病出缺。由駐藏辦事大臣穆騰額奏


派駐藏守備童星魁前往護送。三年。達賴以髮逆滋擾各省。虔誠念經。祈禱賊匪速滅。奉 旨褒獎。五年正月十三日。遵

旨掌管政教事務。是年十二月二十五日。在布達拉圓寂。年十八歲。

第十二輩。阿旺羅布藏丹貝甲木參稱勒嘉穆錯。於咸豐六年。在沃卡壩卓地方轉世。八年正月十三日。

奏明在金奔巴瓶內掣定。九年七月初三日。迎至布達拉坐牀。賞達賴之父彭錯策旺公爵。時廓爾喀與唐古特失和。唐古特屢戰不勝。宗喀濟隴等處。均陷於賊。詔駐藏大臣赫特賀馳往後藏。督辦防勦事宜。

命成都將軍樂斌統漢土官兵繼進。廓番聞大兵將至。懼。遣其噶策來藏。上表乞和。詔許罷兵。唐古特與廓爾喀議定和約十款。唐古特每年給廓爾喀稅銀貳千兩。廓爾喀將所占地方。交還唐古特商上管理。同治元年。掌辦商上事務時徵呼圖克圖。因佈施事連同色拉寺與布資綳噶勒丹兩寺因。



喇嘛祈禱處

不勝。攜印潛逃赴京。詔黜其名號。不准轉世。命諾們罕汪曲結布協理商上事務。汪曲結布者。原係俗裝。曾為噶布倫。即俗所謂沙札噶隆是也。因與時徵忤。辭官。削髮為僧。至是復起用。乃創修拉薩城垣。自西而東。工未竣而歿。遂罷役。初駐藏官兵自遊擊以下。均聚居札什城營房。時駐藏大臣


滿慶。以藏中屢不靖。命遷移拉薩市。從此僦屋而居。札什城之營房遂廢。三年。噶勒丹池巴羅布藏青饒汪曲為達賴傳授小戒。四年。剿平瞻對逆番。奉 旨將上中下三瞻地方。賞給達賴喇嘛管理。建廟焚修。七年。親至前藏攢招。九年。親往布資綳色拉二寺熬茶講經。十二年。親至前藏攢招。是年二月十四日。遵 旨接管政教事務。十三年。親至前藏攢招。光緒元年。親至前藏攢招。是年三月二十日。

在布達拉圓寂。年二十歲。第十三輩。阿旺羅布藏塔布克嘉穆錯。於光緒二年五月初五日。在達布甲擦營官屬下明頓家轉世。初十二輩達賴圓寂。面向東南。嗣將靈位移至大殿。安置龕中。面向正南方。無何。復自行轉向東南。於是全藏僧俗。喧傳呼畢勒罕應在東南出世。而

箭頭寺護法。又隨聲附和之。至是呼畢勒罕訪獲班禪。因率同有職事各僧俗人等。出具圖記。公稟懇請駐藏大臣松桂代奏。奉 旨毋庸入瓶籤掣。即定為達賴喇嘛之呼畢勒罕。四年正月十二日。在貢湯德娃尖寺由班禪披鬚授戒。取定法名。六月十三日。迎至布達拉坐牀。銷去呼畢勒罕名號。

賞達賴之父工噶仁青公爵。寶石頂戴花翎。八年正月十三日。由正師傅濟隴呼圖克圖傳經授戒。十年。因攢招各處。喇嘛屬集。與巴勒布商人購物起釁。將該商八十三家全行劫毀。廓爾喀因索償損失銀三十餘萬兩。並集兵邊境。意圖挾制（按巴勒布初本自立一部後被廓番擊併故歸其保護）經駐藏大臣色楞額奏派漢番委員前往開導。曉以恩威。始允減為十八萬三千兩有奇。除唐古特商上捐壽及清出貨物抵價外。尚不敷銀六萬七千餘兩。奉

旨由四川撥給。十一年。親至前藏攢招。十四年。工噶仁青病故。賞達賴之兄頓柱奪吉公爵。寶石頂戴花翎。是年親往布



資綉色拉寺熬茶講經。十五年。親至前藏攢招。十六年。駐藏大臣升泰與英人議定藏印通商條約。十九年。駐藏大臣奎煥與英人續定通商條約。開放亞東關作為商埠。添設靖西廳同知一員監督之。二十一年正月十一日。正榮增師傳普爾覺沙布噶為達賴傳授格隆大戒。是年掌辦商上事務。前榮增師傳第穆呼圖克圖因病辭退。十一月初二日。遵 旨接管政教事務。

及其弟洛策等。第穆所居之關宗寺財產。全行查抄入己。並咨請駐藏大臣裕鋼代奏。將第穆呼圖克圖名號永遠革除。（按第穆

拉 薩 西 門

二十四年。瞻對與川屬明正土司構衅。四川總督鹿傳霖奏明派兵攻取瞻對。成都將軍恭壽駐藏大臣文海。先後奏陳。而達賴亦密遣喇嘛羅桑稱勒等赴京呈訴。於是 朝廷俯順番情。命將三瞻地方。仍賞還達賴。毋庸改歸四川管理。是年親赴色拉布資綉噶勒丹三大寺熬茶講經。二十五年親往前藏攢招。二十六年。自殺其前掌辦商上事務正榮增師傳第穆呼圖克圖阿旺羅布藏稱勒饒結

19976 富有資財且深得民心達賴忌而殺之故至今藏人道及此事頗為第
穆惜而不直達賴。是年親赴南海瓊科爾結等處熬茶講經。三十
一年六月。英兵進藏。初達賴誤以俄羅斯為同教。親俄而遠英。
雖兩次與英議定條約。迄未實行。俄員某因偽作蒙古喇嘛裝束。

祕密入藏。為達賴畫策。購置火器。意圖抗英。英雖偵知之而
無如何也。至是。俄方東困於日本。不暇遠略。英遂藉事稱兵。
詔駐藏大臣裕綱往解之。達賴恃俄員為謀主。不欲和。思
與英人一戰。乃止裕綱行。弗使番民支烏拉。(按烏拉即夫馬)



已革第十三輩達賴喇嘛

並調集各路番兵。西藏番
兵。以乍丫為最強。然無
紀律。甫抵拉薩。即圍攻
駐藏大臣衙署。死者數十
人。後經藏官彈壓。開往
前敵。未交綏均潰變。由
小路逃去。時藏兵屢敗。
英禍日迫。 詔解裕綱
任。尋革職。駐藏大臣有
泰。復與達賴商。願自往
阻英兵。達賴仍尼之。然
亦無他籌策。惟日令箭頭
寺護法誦經。詛咒英兵速
死而已。未幾。英人榮赫
鵬等。長驅直入。達賴聞
知。大懼。先一日倉皇北
遁。有泰以達賴屢誤事機。
且不候 諭旨。擅離招

19977

地。請 旨革去達賴喇嘛名號。榮赫鵬等既得志。因與藏官直接議約春不。暫駐英兵。俟應償兵費二百五十萬盧比繳清。再行撤退。藏人迫於英之勢力。且亦實不悉其中利病。故均惟命是聽。無敢增損一字。於是江孜噶大克及亞東。皆許英開作商埠。 朝廷以藏約損失我國主權太甚。 命侍郎唐紹怡為全權大臣與英使薩道義磋商。將藏約作廢。英人不可。乃另定正約六款。以救前約之失。藏人應償兵費。 朝廷允代籌還。英人始無辭。遂於三十二年四月在北京簽押。是年駐藏大臣有泰。被言官彈劾。 詔五品京堂張蔭棠前往查辦。三十年春。覆奏有泰及其隨員多人均獲罪。去時。駐藏大臣聯豫已抵任數月。整頓藏務。不遺餘力。奏設初級第一第二小學堂。蒙養院。藏文傳習所。半日學堂。以訓漢番子弟。又設白話報館。商品陳列館。官印書局。施醫館。以開通風氣。藏人始知頑固之非。漸有新氣象矣。是年張蔭棠赴印度。續議商約。三十四年三月。議定。從此藏中交涉。愈形繁難。先是聯豫復奏明選派番民赴川學藝。開設巡警武備兩學堂。為興工藝辦警察練新軍之預備。並密陳藏中情形。宜及時整頓。至是商約已定。 詔尙書趙爾豐以邊務大臣兼駐藏大臣督兵進藏。秋。復 命副都統溫宗堯為幫辦大臣。會同駐藏大臣聯豫。籌辦一切要政。時達賴尚未歸。初。達賴自二十一年竄赴青海。駐錫西甯。尋移山西五臺縣清涼山。三十四年九月。進京。 朝覲。十月初十日率徒祝 嘏。 詔加封誠順贊化西天大善自在佛。按年賞

給慶餼銀一萬兩。所有事務。依例報明駐藏大臣。隨時轉奏。恭候定奪。達賴遵即出京。(是書斷至光緒三十四年年底止其餘班禪額爾德尼及各呼圖克圖均做此)
 班禪額爾德尼第一輩。凱珠巴格勒克。於明洪武十八年四月初八日在後藏拉堆地方出世。與第一輩達賴喇嘛同至前藏噶勒丹寺。經宗喀巴佛收為二弟子。正統三年二月二十一日圓寂。年五十有四。
 第二輩。索諾木曲朗。於正統四年正月十五日在後藏玩撒地方轉世。宏治十七年二月二十五日圓寂。年六十有六。
 第三輩。羅布藏頓珠布。於宏治十八年正月初四日。在後藏答魁地方轉世。能前知未來。青海願實汗將攻後藏。班禪正在札什倫布坐禪。忽心動。已知有兵事。所纂經云。五百年後。濟能特河界構兵之際。當有惻隱菩薩。於札克博里山。救十萬生靈之命。嘉靖四十五年二月二十三日圓寂。年六十有一。
 第四輩。羅布藏瓊堅。於隆慶元年四月十五日。在拉柱甲爾地方轉世。四年。迎至札什倫布坐牀。時青海願實汗攻後藏。藏巴汗滅之。以其地居班禪。而留其二子鄂齊爾圖汗達賴巴圖爾台吉領其衆。我 太宗文皇帝崇德七年冬十月。班禪及達賴喇嘛願實汗等。各遣使抵盛京。上表貢方物。事已詳達賴源流中。八年四月。 命察干格龍偕班禪等使赴藏。察訪佛法。順治四年三月。班禪等遣使來貢。表頌功德。五年四月 命喇嘛席喇布格隆等赴藏。聘請達賴。並致書存問班禪。俾

19978 勸達賴來京。康熙元年二月十三日。在札什倫布圓寂。年九十有六。

第五輩。羅布藏伊什。於康熙二年七月十五日在接推參地方轉世。六年迎至札什倫布坐牀。三十四年。命御史鍾申保等齋勅赴藏。宣召班禪來京。四十五年。前藏第巴桑結作亂。拉藏汗率後藏兵討平之。詔封拉藏翊法恭順汗。總兩藏事。五十二年。晉班禪胡圖克圖名號爲班禪額爾德尼。如達賴喇嘛例。頒給金册金印。五十五年。準噶爾襲破唐古特兵。拉藏汗敗死。五十七年。大兵平定西藏。詔拉藏舊臣貝子康濟爾前藏。台吉頗羅爾後藏。雍正五年。前藏噶布倫阿爾布巴等謀死康濟爾。欲投準夷。頗羅爾率阿里後藏兵九千討禽首逆。詔以頗羅爾爲貝子。兩藏悉歸其轄。駐前藏而遙領後藏地。自是後藏始不復獨立。而班禪亦向不預聞地方司法行政各事。乾隆二年八月初五日。在札什倫布圓寂。年七十有五。

第六輩。羅布藏巴勒伊西。於乾隆三年十一月十一日在向札喜策爾地方轉世。六年迎至札什倫布坐牀。四十三年章嘉胡圖克圖奏班禪請於庚子歲來京恭祝。萬壽。詔許之。

命建札什倫布廟於熱河。賜名須彌福壽。諭駐藏大臣留保住親往後藏。照料班禪起程。四十五年班禪至。七月高宗純皇帝。御避暑山莊之瀋泊誠敬殿召見。賜坐慰問賜茶。尋隨扈至南苑。復召見於德壽寺。至京居西黃寺。講經放參。

一如五輩達賴進京時。京師西山有高僧某者。往論佛法。責以宜居西方清淨地。不當入中國過受崇奉。班禪謝之。是年頒賜玉印玉册。十一月。班禪患痘。尋圓寂。時年四十有三。詔卽其地建清淨化城。四十六年。命理藩院尙書博清額爲駐藏辦事大臣。護送舍利金龕西歸。駕幸西黃寺拈香送之。第七輩。羅布藏巴勒伊西。於乾隆四十六年在後藏地方轉世。四十九年八月十三日。迎至札什倫布坐牀。五十二年。賞班禪之父巴勒丹敦珠克公爵。五十五年。廓爾喀犯邊。初六輩班禪來朝。祝高宗七旬嘏。中外施舍。海溢山積。及班禪卒於京師。資送歸藏。其財皆爲伊兄仲巴呼圖克圖所有。既不布施各寺廟與唐古特之兵。又擯其弟沙瑪爾巴爲紅教。不使分惠。於是沙瑪爾巴憤懣廓爾喀。以後藏之封殖。仲巴之專汰。煽其入寇。至是廓爾喀藉商稅增額食鹽樛土爲詞。與兵闖入邊界。唐古特兵不能禦。而朝廷所遣援勦之侍衛巴忠、將軍鄂輝成德等。復調停賄和。陰令西藏商上。私許歲幣萬五千金。按兵不戰。遽以賊贖乞降飾奏。而諷廓爾喀會入貢。受封國王。廓爾喀既侮藐內地。次年。藏中歲幣復爽約。於是廓爾喀以責負爲名。再舉深入。唐古特遣噶布倫丹津班珠爾等往議。被執。駐藏大臣保泰等。一聞賊至。則移班禪於前藏。並請移送賴班禪於西甯。欲以藏地委賊。詔革保泰等職治罪。札什倫布寺。襟山帶水。形勢鞏固。喇嘛數千。乘墉可守以待援。而仲巴呼圖克圖。攜貲先逸。喇嘛濟仲札倉等。復託言卜

諸吉祥天母。不宜戰。衆心遂潰。賊大掠札什倫布。兩藏大震。詔大將軍福康安、參贊大臣海蘭察等、督索倫滿兵進討。六戰皆捷。殺賊四千。涉賊境七百餘里。隔河大山。賊以重兵踞山嚴守。水深山峭絕。山後即其國都也。時廓夷南鄙。適爲英吉利侵擾。洵懼無計。且恐我軍聞而氣奮也。因遣人詣軍。卑詞乞降。將軍參贊。議以賊境益險。而八月後即雪大封山。不可老師。允其請。盡獻還所掠藏中財寶及金塔頂金册印。歸前被執之丹津班珠爾等。並獻沙瑪爾巴之尸。貢馴象番馬樂工。請永遵約束。班師。嘉慶十三年七月。賞班禪之姪恭阿那木勒四品頂戴。道光六年。班禪在札喜曲達地方建廟鑄佛。工竣。奉旨賜名廣佑寺。頒給御書法界莊嚴四字匾額。十五年七月。命換給班禪金册。二十一年。班禪六旬壽。賞給福壽字如意念珠等件。二十二年四月。剿平森巴、拉達克等部落。(按森巴久已併入英屬拉達克雖尙未顯與西藏分離然亦不過繩糜而已)班禪捐資助賞。賞加宣化綏疆四字封號。二十四年。班禪控掌辦商上事務噶勒丹西勒圖薩瑪第巴克什。貪贖營私各款。經駐藏辦事大臣琦善。奏參革辦。奉旨商上事務。著



噶布倫察絨

步標統陳慶

左參贊羅長禱

第九輩班禪喇嘛

夷情司員德琨

護軍官王久敬

輔國公拉魯

照議准令班禪額爾德尼暫行兼管。咸豐元年。班禪七旬壽。奉旨褒嘉。賞賚如六旬例。三年正月初九日。在札什倫布圓寂。時年七十有二。

第八輩。羅布藏班墊曲吉札克巴丹貝汪曲。於咸豐四年在後藏地方轉世。六年十二月十九日。奏明在金奔巴瓶內掣定。十年十月初二日。迎至札什倫布坐牀。賞班禪之父丹增汪結公爵。十一年。傳授小戒。同治八年二月。賞班禪之弟班墊

楚稱達喇嘛名號。光緒八年七月十六日。在札什倫布圓寂。年二十有九。

第九輩。羅布藏吐巴丹曲吉宜瑪格勒克拉克木結。於光緒九年正月十二日。在瓊科爾結地方轉世。十四年正月十五日。奏明在金奔巴瓶內掣定。十八年正月初三日。迎至札什倫布坐牀。經第穆呼圖克圖傳經授戒。

賞班禪外祖父期美汪布公爵。初。班禪母處子也。春日晝寢。夢喇嘛入帷。驚而覺有妊。遂生班禪。至是駐藏大臣奎煥。以班禪生而無父。養於外家。因鼓明緣由。奏請 馳封。三十一年六月。英兵入藏。達賴避赴西

甯。駐藏大臣有泰奏請 飭令班禪兼管前藏商上事務。班禪力辭。是年十一月。班禪隨英吉利皇子遊歷印度。三十二年二月。回至札什倫布。現年二十六歲。尚未傳授格隆大戒。以連年藏

中多事。且達賴未歸故也。達賴班禪下又有呼圖克圖沙布隆者。均能本性不昧。自覺前因。以呼畢勒罕轉生於世。內外蒙古及青海地方。所在皆有。惟頭

緒紛繁。更僕難數。茲惟將藏境內呼畢勒罕之最著名者。節錄梗概。至其詳細。則有各寺院之冊檔在。無事贅述也。黃教濟隴呼圖克圖第一輩。斯曲堅參。年七十二歲圓寂。

第二輩。帕爾巴拉。年三十五歲圓寂。第三輩。佈札西熱。年十八歲圓寂。

第四輩。拉汪曲結堅參。年六十八歲圓寂。第五輩。阿旺曲結汪曲。年四十七歲圓寂。

第六輩。阿旺工曲宜瑪。五輩達賴。將巴克碩寺院地方。賞給管理。派往青海。充當教習喇嘛。時準噶爾噶爾丹與喀爾喀七謝圖汗構衅。遵達賴命。前往勸和。未能妥協。奉 旨解京。年五十二歲圓寂。

第七輩。羅布藏班墊堅參。奉 旨 進京。賞給呼圖克圖銀印及黃車黃轎等物。賞伊弟阿旺洛布札薩克喇嘛名號。代管徒衆。年五十一歲。在北京圓寂。

第八輩。夷喜羅桑丹貝貢布。奉 旨進京授為掌印喇嘛。尋奉 命回藏。協理商上事務。賞加畢時圖諾們罕名號。嘉慶元年。修建寺院。工竣。賜名永安寺。年五十一歲圓

寂。第九輩。羅布藏丹貝堅參。充當達賴正師傅。年四十三歲圓寂。第十輩。阿旺班墊曲結甲木參。充當達賴正師傅。掌辦商上事務。賞加通善二字名號。光緒八年。為十三輩達賴傳授小

戒。年三十二歲圓寂。

第十一輩。阿旺吐丹改桑丹貝卓密。現年二十一歲。

黃教第穆呼圖克圖第一輩。工巧仲連。年五十一歲圓寂。

第二輩。邊覺札喜。年六十三歲圓寂。

第三輩。拉汪巧勒朗結。年五十七歲圓寂。

第四輩。拉汪丹巴堅參。順治九年。隨侍五輩達賴。進京朝覲。年三十八歲圓寂。

第五輩。阿旺朗卡甲木養。年五十三歲圓寂。

第六輩。阿旺降白迭熱嘉穆錯。奉旨掌辦商上事務。

賞給諾們罕名號。乾隆四十三年。修建寺院工竣。賜名廣法寺。賞伊徒甲木養丹巴札薩克喇嘛名號。給予印信。

年五十五歲圓寂。

第七輩。羅布藏吐丹濟美嘉穆錯。奏充九輩達賴師傅。奉旨協理商上事務。嘉慶十三年。賞給額爾德尼蒙諾們罕名號。年四十一歲圓寂。

第八輩。阿旺羅布藏濟美嘉穆錯。咸豐三年。因不守清規。劣蹟昭著。奉旨撤銷本身呼圖克圖名號。發往宗喀安置。年三十五歲圓寂。

第九輩。阿旺羅布藏稱勒饒結。奉旨掌辦商上事務。光緒十三年。奏充十三輩達賴正師傅。十六年。辦理印藏通商出力。賞給靖善禪師名號。二十六年。因詛咒達賴。經僧俗多人稟控。由駐藏大臣裕綱奏明。將第穆呼圖克圖名號。永遠革除。寺產查抄充公。是年被達賴遣人暗刺圓寂。年四十有四。

黃教時微阿齊圖呼圖克圖第一輩。賢尋曲旺札巴。年六十八歲圓寂。

第二輩。索諾木朗結。年三十六歲圓寂。

第三輩。濟克爭滾噶爾甲木參。年五十一歲圓寂。

第四輩。工却曲批。充當五輩達賴師傅。年七十四歲圓寂。

第五輩。仁增足美奪吉。年六十九歲圓寂。

第六輩。池青阿旺却墊。充當七輩達賴師傅。雍正十二年。賞給廣衍黃法阿齊圖諾們罕名號。年七十五歲圓寂。

第七輩。在均崙地方轉世。年七歲圓寂。尙未迎歸本寺坐牀。故未曾取定法名。

第八輩。羅布藏夷喜丹巴饒結。賞給前輩諾們罕名號。修改時徵寺院。賜名凝禱寺。賞給屬下管事人達喇嘛名號。

第九輩。阿旺夷喜楚稱堅參。仍賞給諾們罕名號。奉旨掌辦商上事務。咸豐十一年。辦理察木多夷案出力。賞加慧靈二字名號。並賞用黃韁。同治元年。因佈施事。與布資綉噶勒丹兩寺闕。不勝。潛逃赴京呈訴。經駐藏大臣滿慶等奏參革去呼圖克圖名號。不准轉世。年四十六歲。在北京圓寂。

第十輩。阿旺羅布藏夷喜丹巴堅參。充當班禪師傅。奉旨賞還呼圖克圖名號。現年三十九歲。

黃教德柱呼圖克圖。第一輩。羅布藏們朗充當噶勒丹池巴。年

七十歲圓寂。

第二輩。羅布藏青饒汪曲充當噶勒丹池巴。十一輩十二輩達賴師傅。奉旨協理商上事務。同治五年。剿平瞻對出力。

賞給德柱呼圖克圖名號。准其轉世。並賞給屬下管事人札薩克喇嘛名號。給予印信。年七十三歲圓寂。

第三輩。阿旺羅布藏丹貝卓密。年二十二歲圓寂。

第四輩。吐布丹堅參青饒稱勒朗結。現年十二歲。

黃教饒結賽呼畢勒罕。第一輩。結賽喜饒曲批。年五十三歲圓寂。

第二輩。曲批甲錯。年二十五歲圓寂。

第三輩。頓餘曲吉甲。年三十八歲圓寂。

第四輩。羅布藏丹增甲錯。年六十三歲圓寂。

第五輩。羅布藏阿旺濟克美札巴。時七輩達賴。移駐秦甯。暫充掌辦商上事務。年四十五歲圓寂。

第六輩。改桑吐丹濟克美甲錯。充當九輩達賴師傅。賞給

諾們罕名號。年六十九歲圓寂。

第七輩。阿旺羅布藏他美丹增甲錯。充當九輩達賴師傅。年七十二歲圓寂。

第八輩。阿旺羅布藏濟克美楚稱甲錯。年十二歲圓寂。

紅教布魯克巴呼畢勒罕。第一輩。甲熱夷喜魯吉。年五十一歲圓寂。

第二輩。貢噶邊覺。年四十九歲圓寂。

第三輩。甲木養曲吉札巴。年四十八歲圓寂。

第四輩。白瑪噶布。年六十五歲圓寂。

第五輩。巴桑旺布。年四十九歲圓寂。

第六輩。密潘旺布。年七十四歲圓寂。

第七輩。噶足稱勒。年五十歲圓寂。

第八輩。丹增朗結。年五十五歲圓寂。

第九輩。阿旺密潘濟美朗結。年五十七歲圓寂。

第十輩。吐丹朗結格勒改桑。現年二十五歲。

白教達隆麻倉呼畢勒罕。第一輩。仁青工布。年四十七歲圓寂。

第二輩。工貢擺。年六十二歲圓寂。

第三輩。仁青郡墊。年六十二歲圓寂。

第四輩。仁青喜饒汪曲。年五十七歲圓寂。

第五輩。貢青昂格汪曲札巴擺桑。年七十九歲圓寂。

第六輩。昂謙索木朗札喜。年三十三歲圓寂。

第七輩。曲結朗吉彭錯。年七十二歲圓寂。

第八輩。多墊徐謙。年五十四歲圓寂。

第九輩。札喜曲濟結布。年三十歲圓寂。

第十輩。阿旺稱勒丹增朗結。年五十三歲圓寂。

第十一輩。札喜札巴夷喜。年四十四歲圓寂。

第十二輩。阿旺曲吉邊覺。年五十九歲圓寂。

第十三輩。阿旺替曲濟克美巴沃。現年五十三歲。

(未完)